

## ПРОФАЙЛИНГ МЕТОДИ – САМАРАЛИ ТЕРГОВ ГАРОВИДИР

Йўлдошев Илхом Абдужалил ўғли

Ўзбекистон Республикаси Ички Ишлар Вазирлиги

Академияси 2-курс курсанти

ilkhom.yuldoshev77@gmail.com

### **Анотация:**

Мазкур мақолада терговчиларда замонавий психологик методлардан бири, яъни профайлингнинг хусусиятларини шакллантириш зарурлиги ўз навбатида ҳар қандай жиноятни содир этган шахсни аниқлашга ҳамда уларни рост ёки ёлғон сўзлаётганини уларнинг вербал ва новербал ҳаракатлари орқали билиш имконини бериши ҳақида сўз юритилади.

Шунингдек, мақолада терговчиларда профайлинг методини қўллаш қўнимасини шакллантириш юзасидан зарур таклиф ва тавсиялар берилган.

**Калит сўзлар:** Профайлинг методи, вербал ва новербал воситалар, сўроқ қилиш, дастлабки тергов, персонаж.

## МЕТОД ПРОФАЙЛИНГРОВАНИЯ – ЗАЛОГ ЭФФЕКТИВНОГО РАССЛЕДОВАНИЯ

### **Анотация:**

В данной статье говорится о том, что необходимость формирования у следователей одного из современных психологических методов, а именно особенностей профайлингрование, в свою очередь, который позволяет идентифицировать человека, совершившего какое-либо преступление и узнать говорит ли он правду или ложь, по их верbalным и неверbalным действиям.

Также можно даны необходимые предложения и рекомендации по формированию у следователей навыков по методу профайлингрования.

**Ключевые слова:** метод профайлингрования, вербальные и невербальные средства, допрос, предварительное расследование, персонаж.

## THE PROFILING METHOD IS AN EFFECTIVE INVESTIGATIVE PLEDGE

### **Annotation:**

In this article, investigators are told that one of the modern psychological techniques, that is, the need to formulate the characteristics of profiling, in turn, makes it possible to identify the

person who committed any crime and find out whether they are truthful or false through their verbal and nonverbal actions.

Also, the article provides the necessary suggestions and recommendations for the formation of the skills of the investigators to use the profiling method.

**Key words:** Profiling method, verbal and non-verbal means, interrogate, preliminary investigation, character.

*"Инсон ҳар нарсаны айтиши мүмкін. Аммо күз ва құллари уни албатта фош этади. Құллар ҳеч нарсаны яшира олмайды ва құзларға қараганда құпроқ нарсаны айтиб беради".*

*A.Брассер*

Хукуқни муҳофаза қилиш органлари ходимларини замонавий, қасбий-психологик билимлар орқали тайёрлаш, жумладан профайлинг технологиясини ўзлаштириш ҳамда амалда қўллаш малакасини шакллантириш, турли-туман жиноий хатти-ҳаракатларни содир этишга мойил одамлар психологиясини билишни, нафақат омма орасидан бундай жиноятни содир этишга тайёргарлик кўраётган шахсни ташки аломатлари балки хулқидаги хусусиятларига қараб аниқлаш имконини беради. Шу сабабли, хукуқни муҳофаза қилиш органлари ходимларининг нафақат жисмоний, юридик, тактик, балки пухта психологик билимлар билан ҳам қуролланиши давр тақозосига айланмоқда.

**Профайлинг** (инглизча: "profile") – шахсни ташки кўриниши, новербал ва вербал хулқидаги энг қўп ахборот берувчи маҳсус белгилари, хусусиятларини таҳлил қилиш асосида инсон хулқини баҳолаш, башорат қилишга қаратилган психологик усул ва методлар мажмуидир<sup>1</sup>.

Ўрганишлар натижасида маълум бўлдики, 1980 йилларда АҚШда профайлинг ибораси қўлланила бошланган бўлиб, ушбу соҳада биринчилар қаторида илмий-тадқиқот фаолиятини олиб борган *Джон Дуглас, Роберт Ресслерлар* ва бошқа психолог олимларни мисол келтириш мумкин. Шу билан бирга, профайлинг методи асосчилари психолог олимлар *П. Экман, В. Фризен, М. Сукермен* ва *Б. Де. Пауле* ҳисоблансаларда, 1888 йилда психологик портрет тузишга уринганлардан бири британиялик жарроҳ *Т. Бондинг* тадқиқотлари эътирофларга лойиқдир.

Дастлабки тергов босқичида жиноятчиликка қарши курашища, шунингдек, жиноятларни фош этиш, адолатли ва холисона тергов қилиш, жиноят содир этган

<sup>1</sup> <sup>1</sup> <https://uz.m.wikipedia.org>

шахсни аниқлаш ва жиноят содир этишда айбланаётган шахснинг қилмишига адолатли баҳо бериш муҳим вазифалардан ҳисобланади.

Энг муҳими самарали тергов қилишда юқори натижаларга эришиш учун ҳозирда замонавий психологияда кенг қўлланаётган профайлинг методининг ўрни муҳим аҳамият касб этади. Шу ўринда, чет эл тажрибаларига назар ташлайдиган бўлсак, детективлар томонидан шахс психологиясини ўрганиш улар учун зарур жиҳатлардан бири бўлган. Чунки, жиноят содир этишда гумон қилинаётган шахс ҳақиқатан ҳам ушбу қилмиш у томонидан содир этилганни ёки йўқми, шунингдек унинг вербал ва новербал ҳаракатлари орқали рост ёки ёлғон гапираётганлигини аниқлаш имконини беради.

Шу сабабли, терговчиларда профайлинг методи ҳақидаги психологик билимларга эга бўлиш муҳим аҳамият касб этади. Тергов ҳаракатларидан бири ҳисобланган сўроқ қилиш орқали жиноят ишига доир ҳамда янги жиноятни очишга имкон берадиган маълумотларни олиш ва содир этилган жиноят юзасидан келиб чиқсан саволларга жавоб топиш жараёнида ёрдам беради.

Шу ўринда, О.Й. Баевнинг фикрича, сўроқ анча мураккаб тергов ҳаракати ҳисобланади. Бу ҳолатни сўроқ қилинган шахс ҳаққоний гувоҳлик беришни зарур деб ҳисобламаслиги билан изоҳлаш мумкин. Бундан ташқари, сўроқ қилиш каби тергов ҳаракати давомида терговчи томонидан сўроқ қилинаётган шахснинг қўрсатувларида ўйлаб топилган ва алоҳида ўтказиб юборилган хатоларни ажратса олиш муҳим ҳисобланади<sup>2</sup>.

Юқоридаги фикрга таянган ҳолда, айтиш мумкинки, амалиётда терговчи томонидан жиноят содир этишда гумон қилинаётган шахснинг берган ёлғон қўрсатувларини олиш ва шунинг натижасида жиноятни фош этаман деб мавҳум бўлган маълумотлар атрофида банд бўлиб қолиш натижасида дастлабки тергов муддатини бой бериш ҳолатлари ҳам кузатилади. Шу сабабли, ушбу муаммога ечим сифатида албатта, ҳар қандай шахс, яъни жиноят иши юзасидан гумон қилинувчи, айбланувчи, жабрланувчи, гувоҳларнинг хатти-ҳаракатларини диққат билан кузатиши, унга психологик баҳо беришининг самарадорлиги жиноят процесси иштирокчилари томонидан берилган қўрсатувларни қонуний баҳолаш имкониятини оширади. Бу борада, профайлинг методи бўйича қатор илмий тадқимот олиб борган психолог олим Аллан Пизнинг “Инсоннинг хатти-ҳаракатлари унинг ўзига хос ташриф қогозидир!”<sup>3</sup> деган таърифига эътибор қаратиш талаб этилади. Агар амалиётда дастлабки тергов жараёнида профайлинг методини

<sup>2</sup> Мазунин Я.М. //Тактико-психологические основы допроса. Психо-педагогика в правоохранительных органов, 2004. 4 б.

<sup>3</sup> Пиз, Аллан. Тана тили (Ҳаракатлардан фикрни қандай ўқиш мумкин) // А.Пиз. – Тошкент: Гафур Гулом номидаги нашриёт-матбаа ижодий уйи, 2021 й. 3 б.

чуқур билған ҳолда ҳаракат қилинса жиноятларни иссиқ изидан очиш, жамиятда уларни бартараф этиш билан боғлиқ фаолиятнинг самарадорлиги ортади.

Терговчи сўроқ қилиш тергов ҳаракатини ўтказиш учун чақирган гумон қилинувчи, айбланувчи, жабрланувчи ва гувоҳлардан кўрсатув олиш жараёнида улар томонидан ёлғон кўрсатув берайтганини аниқлаш учун профайлинг методидан фойдаланиш мумкин. Бу жараёнда шахснинг икки хил шаклдаги, яъни вербал ва новербал хатти-ҳаракатларини профайлинг методи асосида аниқласа бўлади:

**Биринчидан**, терговчи процесс иштирокчиси томонидан ёлғон кўрсатув берайтганлигини унинг вербал ҳаракатларига баҳо бериш орқали тезда илғаб олиш мумкин. Масалан, ёлғон кўрсатув берайтганда инсоннинг гапларида кетма-кетлик бузилади, бузилишлар эса паузаларнинг пайдо бўлиши билан тавсифланади. Ушбу босқичда терговчи томонидан процесс иштирокчиларининг индивидуал-психологик хусусиятлари ва эмоционал-иродавий ҳолатларидан келиб чиқиб ташхис қўйиши жуда муҳим ҳисобланади. Шунинг учун, сўроқ қилинаётганда дарҳол, берилган кўрсатувлар билан мавжуд бўлган маълумотларни солиштириш керак. Бундай ҳолда, маълумот берилаётган нарсаларни батафсил кўрсатишга қаратилган саволларни тузиш ёлғонни аниқлашнинг самарали воситаларидан бири бўлиб, у сўроқ қилиш жараёning ўзида, шунингдек хабар қилинган маълумотларни кейинроқ текшириш пайтида амалга оширилиши мумкин.

**Иккинчидан**, шахс кўрсатув берайтганида агар у оғзини қўли билан беркитса ёки оғзини ёпишга ҳаракат қилса, эркаклар томонидан қовоқларини жуда ғайрат билан ишқалашлари, шунингдек кўзларини бошқа томонга олиб қочишлиари уларнинг ёлғон сўзлаётганларини англатиши кўплаб ўрганилган тадқиқот натижасидир. Шу билан бирга, психолог олим *Детсмон Моррис* томонидан одамларнинг ёлғон гапираётганларини уларнинг юз ва бўйин қисмининг нозик мушакларига тегиниб, қичиши чиқиши чакириш

ва сезгиларни тинчлантириш учун қашлаш талаб қилинишини аниқлаган. Юқоридагилар ўз навбатида шахснинг новербал ҳаракатлари орқали муносабатларини аниқлаш имконини беради<sup>4</sup>.

Ёлғонни аниқлашда асосий усуллардан бири иш бўйича тўпланган маълумотлар, шунингдек терговчининг аниқ маълумотларга эга бўлган ҳолатларини шакллантириш учун асос бўлган назорат саволларини шакллантириш жуда муҳим ҳисобланади. Бундай саволларни бериш ёлғон гапирган сўроқ қилинувчи томонидан ўйлаб топилган тақдим этиши тизимини бузади ва уни сўроқ пайтида аниқлашга имкон беради, бу кўрсатувлар

<sup>4</sup> Пиз, Аллан. Тана тили (Ҳаракатлардан фикрни қандай ўқиши мумкин) // А.Пиз. – Тошкент: Гафур Гулом номидаги нашриёт-матбаа ижодий уйи, 2021 й. 76 б.

билин изоҳлаб бўлмайдиган қарама-қаршиликларни аниқлашга асосланади. Бунда эса, назорат саволлари ўз моҳиятига кўра асосан сўроқ пайтида берилган кўрсатмаларнинг ҳақиқатта мувофиқлигини аниқлашга қаратилгандир. Шунинг учун уларнинг асосий вазифаси ёлғон маълумотларни аниқлашдан иборат.

Биламизки, иш юзасидан тўплланган маълумотлар билан боғлиқ назорат саволларини шакллантириш ёлғонни рад этади, чунки бу аниқланган факт ёки ҳолат тўғрисидаги маълумотларни объектив акс эттирувчи қўшимча маълумотларнинг ошкор этилишига олиб келади. Гувоҳликдаги ёлғонни аниқлаш жараёнида моддий маълумотларни тақдим этиш муҳим аҳамиятга эга. Бундай ҳолда, моддий маълумотлар сўроқ қилинаётган шахс томонидан ўйланган ёлғон мантиғини бузиш билан бирга уни янги тушунтиришлар излашга ёки аниқ номувофиқлиги туфайли хабар қилинган маълумотларни рад этишга мажбур қиласди.

Хулоса ўрнида шуни айтиш жоизки, мукаммаллик сўзини айтиш осон, лекин, унга эришиш ўз навбатида муайян қийинчиликларни енгисб үтишни талаб қиласди. Шу сабабли, терговчи мукаммаллик сари ҳаракат қиласди экан ўзида фақатгина норматив-хуқуқий ҳужжатларни билиши, қриминалистик тактика ва жиноятларни тергов қилиш методикасини билишини ўзи етарли бўлмайди. Бизнингча эса, терговчи фаолият натижаларининг самарадорлигига қисқа вақт ичидан эришиши учун ўз навбатида шахс рухиятини ўрганиш ва шунга мос муомала қилиш билан чамбарчас боғлиқлигини билиши лозимдир. Шу билан бир қаторда, тергов амалиётини мулоқотсиз тасаввур этиб бўлмаслиги бизга маълумдир. Шу сабабли, терговчилар билан фуқаролар ўртасида бўладиган мулоқот жараёнида касбий маҳоратга эга бўлишлари лозим. Чунончи:

- ўзида психологик чидамлилик, бардошлиликни ишлаб чиқиши;
- салбий ҳиссиётларни бартараф этиш ва олдини олишга ўрганиш;
- руҳий зўриқишини бартараф этиш;
- мулоқотнинг психологик-педагогик маданиятини шакллантириш керак бўлади.

Шунингдек, терговчиларда биринчи навбатда профайлинг методи ҳақида кўнимани ҳосил қилиш мақсадида ҳар бир туман тергов бўлими терговчилари учун бир ойлик муддатда малака ошириш курсини ташкиллаштирган ҳолда яъни, ҳафтада икки иш кунинг ўртача бир соатини психолог-ўқитувчилар томонидан ўтказиладиган дарсга йўналтириш мақсадга мувофиқдир. Шу билан бирга, сифатли дарсларни ташкиллаштириш учун ҳар бир туман ИИО ФМБ хузуридаги Тергов бўлими ва туман ИИО ФМБ хузуридаги психологик таъминлаш груҳи ўртасида ҳамкорликни йўлга кўйган ҳолда амалга оширилиши зарур. Бундан ташқари, дарсларни амалий тарзда ўтказиш ўз ўрнида профайлинг методи ҳақида кўнимани шакллантиришда юқори самара беради. Чунки, профайлинг методи ўз навбатида юқорида такидланганидек,

шахсларнинг вербал ва новербал ҳаракатларига баҳо бериш билан боғлиқлиги дарсларни амалий ўтказишга таянч бўлиб хизмат қилиши бежизга эмас.

Терговчилар профайлинг методини кўллаш кўникмасини шакллантириши натижада эса, ҳар бир терговчи ўзида намунали терговчи қиёфасини яратишда психолог персонажини шакллантиришга ҳаракат қилиши, амалиётда, жиноят процесси иштирокчилари билан мулоқотга киришишларида баъзи бир қийинчиликларга дуч келишини олдини олиши мумкин бўлади. Терговчиларнинг психологик билимлардан унумли фойдаланиши шахс хулқ-аворидаги носамимий ва яширин ҳолатларни аниқлашда шунингдек, жиноят ишини очишда мувафақиятли самара беради.

### Фойдаланилган адабиётлар:

1. Коновалова В.Е, Шепитько В.Ю. “Основы юридической психологии”. Учебник. Харков, 2005.
2. Мазунин Я.М. “Тактико-психологические основы допроса”. “Психо-педагогика в правоохранительных органов”, 2004.
3. Хакимова И.М., Расулова Н.З. “Жиноятчи шахсини вербал ва новербал психодиагностика қилиш хусусиятлари ва уни ўрганиш методикаси”. Ўкув-амалий кўлланма. -Т.: Ўзбекистон Республикаси ИИВ Академияси, 2014.
4. Пиз, Аллан. “Тана тили (Ҳаракатлардан фикрни қандай ўқиш мумкин)”. А.Пиз. – Тошкент: Гафур Гулом номидаги нашриёт-матбаа ижодий уйи, 2021 й.
5. <https://criminal-justice.iresearchnet.com/forensic-psychology/psychological-profiling/>
6. <https://cyberleninka.ru/article/n/s-ro-ilish-tergov-arakati-sifatida-uni-amalga-oshirish-turlari-va-taktikasi/viewer>